



Newsletter vum 13.04.2020 iwwert d'Summercampe

De Verband vun de Lëtzebuenger Guiden a Scouten suivéiert d'Entwécklung vun der aktueller weltwäiter Pandemie-Situatioun vun Dag zu Dag.

Zur Zäit stellen och mir eis d'Fro ob gréisser Aktivitéiten am Summer 2020 stattfanne kënnen.

Dëst hänkt awer net alleng vun den LGS of, ma virun allem vun der Tatsaach wéi sech d'Pandemie-Situatioun an den nächste Wochen a Méint weiderentwéckelt.

Kloer komme lo Froen op zu eise gréisste Scoutsaktivitéiten, de Summercampen. An deem Zesummenhang gi mir iech lo weider Informatiounen an och Recommendatiounen.

Eis ass et wichteg, datt dir all wësst datt de Verband vun den LGS säi Bescht mécht, fir datt d'Aktivitéite kënnen stattfanne wann d' Situatioun et erlaabt.

Folgend 4 Punkte betreffend de Scoutscampen / Projeten:

1. Summercampe vun eise lokale Gruppen
2. Nationale CaraPio Camp a Slowenien - Slov'lt 2020
3. Odyssee-Projeten 2020 a Bolivien, am Senegal an a Georgien
4. Eurojamboree 2020 a Polen

1. Summercampe vun eise lokale Gruppen

Mir erënneren eis lokal Gruppen drun, datt e Camp am Inland ofhängeg ass vun der Decisioun vun der Lëtzebuenger Regierung an ob de Confinement (#BleiftDoheem) am Juli/August nees opgehewen ass.

E Camp am Ausland ass deemno just da méiglech:

- wann déi auslännesch Regierung op hirem Territoire esou Aktivitéiten zouléisst.
- Wa méi Länner vum duerchreese fir op Destinatioun ze komme betraff sinn, mussen dës auslännesch Regierungsdecisiounen zum Thema Grenziwwergang dee Moment och kloer sinn (Hin- a Réckwee geséichert)

Aus de grad genannte Grënn recommendéieren d'LGS hire lokale Gruppen, déi ee Summercamp plangen, dësen 2020 zu Lëtzebuerg ze organiséieren. Bedenkt och datt doduerch de finanziellen Aspekt/Risiko eventuell minimiséiert ka gi falls de Camp schlussendlech net dierft stattfannen.

Denkt wann ech gelifft drun, d'**Formaliteiten (Umeldung)** an den Délais'en eranzerechen.

No Récksprooch mam SNJ kann de Congé Jeunesse ab deem Zäitpunkt ugefrot ginn, wou sécher ass datt d'Aktivitéit stattfënnt. Ausnamswies muss also hei den Delai net agehale ginn, fir esou eng Demande ze maachen.

Lëtzebuenger Guiden a Scouten

Verbandssekretariat

5, rue Munchen-Tesch | L-2173 Lëtzebuerg

+352 26 94 84 | info@lgs.lu | lgs.lu

1



E grouse Merci un eis Sponsoren

lalux^{LU}

VOYAGES
VANDIVINIT
Reisen mat Stil

BIL
BANQUE
INTERNATIONALE
À LUXEMBOURG
1856



2. Nationale CaraPio Camp a Slowenien – Slov'it 2020

D'Ekipp vum Slov'it plangt de Moment um Camp weider. Zum haitegen Datum kënnen si nach net soe wéi et weidergeet. Well d'Gesondheet an d'Sécherheet vu jidderengem am Virdergrond steet, kucken si wéi d'Situatioun sech entwéckelt. D'Participant'en an aner involvéiert Leit (Staff, ...) gi vun de Responsabelen an der Woch vum 4. Mee 2020 iwwert de weidere Verlaf vum Slov'it informéiert.

3. Odyssee-Projeten 2020 a Bolivien, am Senegal an a Georgien

Och den Odyssee Grupp verfollegt déi aktuell Situatioun op deenen eenzelne Kontinenter. Intensiv gëtt de Moment u verschidde Léisunge geschafft. D'Sécherheet an d'Gesondheet vun de Participanten an de lokale Partner steet bei dëser Decisioun un éischter Stell.

D'Participanten an all involvéiert Leit gi vun de Responsabele Campcheffen an de jeeweilige Staffs bis spéitstens den 31. Mee 2020 informéiert wéi et mam Projet weidergeet.

4. Eurojamboree 2020 a Polen

Den Eurojamboree 2020 a Polen ass op de Summer 2021 verluecht ginn, sou déi offiziell Informatioun vum polnesche Verband. D'international Commissairë vun den LGS an der FNEL klären nach weider praktesch Detailer mam Organisateur.

Aktuell Informatiounen zum Eurojamboree fannt dir op folgendem Link <https://ej2020.sil.lu/downloads/>.

Déi Responsabel vum Slov'it, de jeeweiligen Odyssee'en an och dem Eurojamboree sinn an enkem Kontakt mat de Participanten, a stinn hinne Ried an Äntwert.

Passt all op iech op a bleift gesond,

Mat léiwe Guiden- a Scoutsgréiss,

Anouk Galassi
Commissaire générale

Yves Marchi
Commissaire général adjoint

